



Lugo, a 29 de outubro de 2010. ADEGA Lugo vén de apresentar o seu programa de roteiros para o curso 2010-2011 que, desta volta, estará dedicado á **lingua**

como principal eixo de conexión patrimonial e cultural entre os galegos e galegas, xunto coa paisaxe e o territorio de Galiza. O obxectivo é recoñecer e potenciar a lingua propia como vehículo de vida, entendemento e expresión do medio que nos arrodea para non deixar esmorecer o que constitúe o principal elemento da nosa identidade, hoxe ameazada.

Descarga o [**PROGRAMA de ROTEIROS 2010-2011 \(0,5 Mb\)**](#).

Saudamos esta nova xeira de roteiros de Lugo para o curso 2010-2011. Estamos de novo a camiñar pola nosa terra na crenza de que só se quere o que se coñece. O patrimonio que herdamos está na nosa paisaxe e na nosa historia; mais tamén é patrimonio a LINGUA en que se transmite toda cultura.

O idioma é o noso patrimonio inmaterial más prezado. Porque as linguas son únicas, valiosas e abertas. Nas palabras fica encerrada a historia e os anceios dos pobos. O galego foi e será sempre o vehículo da nosa cultura. Ao seu son fomos arrollados no berce, namoramos e camiñamos polos roteiros desta Galiza verde e fermosa. En galego cantamos e acollemos. Abrazamos e despedimos aos que van embora. En galego aprendemos a falar mil outras linguas desde que fomos emigrantes, mariñeiro ou estudantes a viaxar polo mundo.

Pero a nosa lingua está en serio perigo de ser esquecida e diluída entre a fala dominante transmitida polos medios de comunicación e pola nosa propia desidia para defendela e utilizala. Por iso este ano os nosos roteiros van ser dedicados á lingua galega. Un idioma culto, antigo e moderno que lle dá nome a todo cando podemos ver e sentir. Un patrimonio de toda a Terra, que os habitantes da Galiza temos a obriga de preservar, cultivar e transmitir as xeracións futuras. Non só temos a Terra herdada dos nosos maiores e emprestada dos nosos fillos e fillas; senón que o idioma tamén está emprestado dos nosos descendentes. Temos unha obriga con eles.

Defendemos a biodiversidade e a xeodiversidade do Planeta como uns bens en si mesmos, porque permiten a continuidade dos ecosistemas que forman a Biosfera. Defendemos tamén a diversidade cultural e a transmisión do Patrimonio lingüístico enriquecido xeración apóis xeración.

Braña, pedra, outeiro Barcia, carballo, lameiro Fervenza, cachón e cadoiro Laio, xisto, penedo. Berce,
corredoira, cadaleito

Soño, regueiro, leito.

INFORMACIÓN ÚTEIS:

Lugar de saída: Avenida de Ramón Ferreiro (fronte a Escola de Maxisteiro), Lugo.

Hora de saída: ás 9.00 horas, agás nos roteiros de maio e xuño que será ás 8.00 horas.
Prégase puntualidade e aviso previo no caso de ausencia.

Prezos: 15€ (non socios/as), 12€ (estudantes, parados, xubilados), 10€ (socios/as) e 5€ (menores de 17 anos).

Reserva de praza. Chamar polo menos con 2 días de antelación a: 982240299 (ADEGA-Lugo) ou 679113718.

*No caso de que houbera algunha modificación no programa de roteiros será comunicada oportunamente.

PROGRAMA DE ROTEIROS POLA LINGUA (2010-2011)

DÍA

MES

TÍTULO

LUGAR

COLABORA...

COAS PALABRAS DE...

7

Novembro

“A fala en que máis se dixo adeus”

Serra do Courel

SOS Courel

Uxío Novoneyra, María Mariño...

28

Novembro

As verbas e a música das augas caídas

Val de Lóuzara (Samos)

Ergueitos

Fiz Vergara Vilariño

19

Decembro

A educación ao son da Natureza

Lugo

Colexio de Fingoi

Carvalho Calero, Isidro Novo...

23

Xaneiro

“Pola terra do Señor das palabras”

A Chaira (Outeiro de Rei, Guitiriz)

Marica Campo, Xabier Cordal e Asoc. Xermolos

Manuel María, Marica Campo, Aquilino Iglesias, Darío Xohán Cabana...

20

Febreiro

Camín d'as Eiras

Taramundi

Branca Villares, J.C. Quintana, Carlos Varela, ...

Antolín S. Mediante, Conrado Villar Loza...

20

Marzo

“Toda humilde beleza me namora...”

Mondoñedo

Ricardo Polín

Noriega Varela, Leiras Pulpeiro, Cunqueiro, Carlos Reigosa, Pascual Veiga, etc.

17

Abril

Modelo Burela

Burela

Concello de Burela

29

Maio

“Feros corvos do Xallas”

Costa da Morte

Plataforma en defensa do río Xallas

Eduardo Pondal, Marilar Alexandre...

26

Xuño

“Vendo-os assim tão pertinho”

Valença-Monçao

Ponte nas Ondas

João Verde, Amador Montenegro, Castelao...